

Л. Н. ТОЛСТОЙ

(1828—1910)

Лев Николаевич Толстой — великэй русскэй писатель.

Толстой гэрбувэни боа ялодоани хэклэ саричи.

Толстой мэнэ дангсасалдои русскэй гурун героизмавачи, мэнэ эргэмбэри эм кайрандамари мэнэ родинавари кандёгоари чэк-чэк бивэчи нирухэни.

Толстой Великэй Октябрьской революция осини дюлиэ-лэни буйкини. Лев Николаевич мэнэ дангсасалдои гэрэн гурунду оркин гиансалба ачапчи, эден гиамбани ачапчи сорихани.

Тэй эринду школаду баян гурун пурилчи-рэгдэ училэмэри мутэй бичичи. Синэди гурун пурилчи бичхэвэ отолиаси бичичи.

Лев Николаевич синэди крестьянинсал пурилчи училэгуэ-чи эм хадое школава нихэлиуриwэ бэлэчихэни. Эй школасалду нучикэндюэн хода анади училэхэчи. Лев Николаевич бичини „Ясная Поляна“ ихонду эм школава нихэлиухэн бичин. Эй школаду Лев Николаевич нучикэндюэмбэ мэнэ училэхэни.

Толстой нучикэндюэмбэ моча улэсихэни, дэдулэхэни, нучикэндюэн-дэ нёамбани улэсихэчи. Нёани урокдоани нучикэндюэн эгди эрдэнгэwэ, сикун дякава сари бичичи.

Нучикэндюэн училэйчи дя осигоеани, нучикэндюэн тургэнди вайлин осигоеачи, Лев Николаевич Толстой нёандоачи азбу-